

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎԱՅՈՑ ՁՈՐԻ ՄԱՐԶ

ԱՐԵՆԻ ԳՅՈՒՂԱԿԱՆ ՀԱՄԱՅՆՔԻ

2013-2016 ԹԹ. ՍՈՑԻԱԼ-ՏՆՏԵՍԱԿԱՆ ԶԱՐԳԱՑՄԱՆ

ՔԱՌԱՄՅԱ ԾՐԱԳԻՐ

Կազմեց՝ համայնքի ղեկավար  Վ. Սուրբիասյան

Հաստատվել է համայնքի ավագնու նիստում 18-01-2013թ.  
արձանագրություն N1,

Որոշում N3



ԸՍՏ ԱՌԱՆՁԻՆ ԲՆԱԳԱՎԱՌՆԵՐԻ ԱՌԱՋՆԱՀԵՐԹ ԾՐԱԳՐԵՐԻ,  
ՆՊԱՏԱԿՆԵՐԻ ԱՌԱՋԱԴՐՄԱՆ ԵՎ ԿՈՆԿՐԵՏ ԽՆԴՐՆԵՐԻ  
ՁԵՎԱԿԵՐՊՈՒՄ

**ԾՐԱԳԻՐ 1**

**ՀԱՄԱՅՆՔԻ ՄԱՆԿԱՊԱՐՏԵԶԻ ԿԱՌՈՒՑՈՒՄ**

Համայնքն ունի 1-4 տարեկան 113 երեխաներ: Նրանց մեծ մասը մանկապարտեզ հաճախելու կարիք ունեն: Երեխաների մեծ մասը նախադպրոցական դաստիարակություն չեն ստանում, որը հետագայում ազդում է նրանց ձևավորման վրա:

Ծրագրի իրականացման համար անհրաժեշտ է՝

- Հրավիրել ավագանու նիստ
- Հրավիրել համայնքի ժողով
- Կազմել ծրագրի իրականացման կոմիտե՝ կատարվող աշխատանքները վերահսկելու համար
- Կնքել պայմանագիր Հայաստանի սոցիալական ներդրումների հիմնադրամի հետ, որի համաձայն ծրագրով պահանջվող գումարի 90%-ը կհատկացվի հիմնադրամի կողմից, իսկ 10%-ը համայնքի բյուջեից և համայնքի ներդրումից:

**ԾՐԱԳԻՐ 2**

**ԽՄԵԼՈՒ ՋՐԻ ՑԱՆՑԻ ՎԵՐԱՆՈՐՈՎՈՒՄ**

Վերջի տարիներին մոտ 40 տարվա վաղեմություն ունեցող խմելու ջրագիծը շարքից դուրս է եկել և նորոգման կարիք ունի: Ընդառաջելով համայնքի բնակիչների դիմումներին, այս ծրագրով նախատեսվում է հիմնական նորոգման ենթարկել <<Նորավանքի Ձոր>> -ից եկող ջրագիծը:

Ծրագրի իրականացման համար նախնական հաշվարկներով անհրաժեշտ է 1,5 մլն դրամ: Ծրագրի ֆինանսավորումը կիրականացվի համայնքի 2013թ.-ի տարեկան բյուջեի միջոցներով:

### ԾՐԱԳԻՐ 3

#### << ՉԻՎԱ >> ԳԵՏԻ ԱՆՑՄԱՆ ՀԱՄԱՐ ԿԱՄՐՁԻ ԿԱՌՈՒՑՈՒՄ

Գետի զարնանային վարարումների և սելավների ժամանակ խիստ դժվարություն է առաջանում <<Չիվա>> գետի ձախ հատվածում գտնվող գյուղատնտեսական հողատարածքների մշակման աշխատանքների իարկանացման գործում : Հիմանկան պատճառը այն է, որ տվյալ տարածքում հողամաս ունեցող բնակիչները չեն կարողանում անցնել գետը: Ծրագրի իրականացման համար անհրաժեշտ է ունենալ նախագծա-նախահաշվային փաստաթղթեր, որի ֆինանսավորումը կկատարվի համայնքի 2013 թ. Բյուջեից: Ծրագրից սպասվող արդյունքը կայանում է նրանում, որ արդյունավետ կմշակվի 8 հա խաղողի և պտղատու այգիները:

### ԾՐԱԳԻՐ 4

#### ԱՐԵՆԻԻ ՀԱՄԱՅՆՔԻ 4-ՐԴ ՓՈՂՈՑԻ 350 ՄԵՏՐ ԵՐԿԱՐՈՒԹՅԱՆ ԿՈՅՈՒՂՈՒ ԿԱՌՈՒՑՈՒՄ

Համայնքի 4-րդ փողոցի կոյուղին կառուցվել է փողոցի բնակիչների կողմից 1975-1976թթ.: Անցած տարիների ընթացքում մետաղյա խողովակը քայքայվել և շարքից դուրս է եկել կեղտաջրերը ողողում են ինչպես 4-րդ փողոցը, այնպես էլ գյուղի գլխավոր փողոցը:

Ծրագրի իրականացման համար անհրաժեշտ է կազմել նախագիծ և նախահաշիվ: Մոտավոր հաշվարկներով նախահաշվային գինը կազմում է 800000 դրամ: Այն կիրականացվի համայնքի 2013թ. բյուջեի գումարների միջոցով:

## ԾՐԱԳԻՐ 5

### ՀԱՄԱՅՆՔԻ ԲՆԱԿԱՎԱՅՐՈՒՄ ՓՈՂՈՑԱՅԻՆ ԼՈՒՅՍԵՐԻ ԱՆՑԿԱՑՈՒՄ

Համայնքի փողոցային լույսերը կառուցվել է 1970-ական թվականներին: 1991-1994թթ. Անցման ժամակահատվածում ոչ մի ուշադրություն չի դարձվել փողոցային լույսերի շահագործման պահպանման վրա:

Ֆինանսական միջոցների պակասի պատճառով ներկա դրությամբ այն լիովին վերականգնել և շահագործել հնարավոր չէ: Նպատակահարմար է այն շահագործել մասնակիորեն: Տեղակայել նոր 20 հատ լուսամուկներ բնակավայրի կարևոր վայրերում: Լուսամուկների տեղակայումը և շահագործումը կիրականացվի համայնքի 2013թ. տարեկան բյուջեի գումարների հաշվին:

## ԾՐԱԳԻՐ 6

### ԱՐԵՆԻԻ ՀԱՄԱՅՆՔԻ ՀԻՆ ԿԱՄՐՁԻ ՆՈՐՈԳՈՒՄ

Հաշվի առնելով, որ համայնքը գտնվում է սահմանամերձ գոտում, հարկ եղած դեպքում հնարավոր է ենթարկվել գնդակոծության (ինչպես դա եղել է 1992-1993թթ.) ապառազավարական նշանակություն ունի գյուղի 2-րդ կամրջի վերականգնումը:

Նախնական հաշվարկներով կամուրջը բանուկ դարձնելու համար անհրաժեշտ է 7 մլն. դրամ: Ծրագիրը իրականացելու համար անհրաժեշտ է

ա) հիմնախնդիրը բարձրացնել ՀՀ Կառավարության առջև՝ ծրագիրը ֆինանսավորելու համար:

բ) գտնել հովանավորներ՝ ծրագիրը ֆինանսավորելու համար:

## ԾՐԱԳԻՐ 7

### ԱՐԵՆԻ ԶԱՄԱՅՆՔԻ ԳԼԽԱՎՈՐ ՓՈՂՈՑԻ ԱՍՖԱԼՏԱՊԱՏՈՒՄ՝ 0.6 ԿՄ ԿԵՆՏՐՈՆԱԿԱՆ ՀՐԱՊԱՐԱԿԻՑ ՄԻՆՉԵՎ ԴՊՐՈՑԸ:

Համայնքի գլխավոր փողոցը վերջի անգամ ասֆալտապատվել է 1984-1985թթ.-ին: Փողոցի շահագործման ընթացքում այն լրիվ շարքից դուրս է եկել և տարվա բոլոր եղանակների համար դարձել է անանցանելի՝ ինչպես տրանսպորտի այնպես էլ բնակիչների համար:

Համայնքի դպրոցը գտնվում է փողոցի վրա: Դպրոցականների հատկապես ցածր դասարանցիների համար դպրոց հաճախելու խիստ դժվարություն է առաջանում: Փողոցի տարեկան խճապատումները ոչ մի արդյունք չեն տալիս: Մոտավոր հաշվարկներով ծրագրի նախահաշվային գինը կազմում է 21 մլն ՀՀ դրամ:

Ծրագիրը իրականացնելու համար անհրաժեշտ է հիմնախնդիրը բարձրացնել ՀՀ Կառավարության առջև՝ ծրագիրը ֆինանսավորելու: